

« AUDJOURDU ène sakwè s' a riployî
dissur mi come on endèveû dou linçou d'
swile èt m' mète à paurt dès ôtes. »

FRANCWÈSE SAGAN

è-st èvoye.

Sakants pinsêyes ki nos vont dimèrer d' lèye :
« I gn' a ki l' mwârt à ièsse vrémint moyate. »
« Todi do tins inte nos èt c'k' on vout. Avant c'
n' èst nèn grâve. L' tèrîbe, c' èst l' tins d'
après. Èteûre nos èt ck 'on voléve. »
« Ossi lontins k' on crwèt à l' ome, on pout
crwêre à Diè, mins si on n' î crwèt pus... si on
n' vwèt pus k' ène bièsse ki boute à è fé sofri
dès ôtes... »



« L' iñtèlidjinse sins
bonté è-st-ène
bin dandjèreûse
ârme. »

« L' Daegne
s' a sipaurdu
d' bèrdèleus
èmantcheûs
ki s' sièvenut
dès mots
come di
caurs k' is
savenut
ièsse faus. »

« C' ki conte,
c' n' èst nèn
c'k' ène sakî
fait, c' èst l'
fait ki l' sakî
èst là. »

« On n' si
nauji nèn d'
ène sakî, on
èst scan d'
vîre voltîye,
di sinte k' on
inme. On
vout bèn

awè frèd si li stûve a dischandi, mins on n'
vout nèn awè mau kand nosse keûr a fait l'
minme. On lome ça l' èspéryince. »

« On n' a nèn d' pus d' libèrté audjoûrdu k' i
gn' a vint ans didci : di fé l' amoûr èstéve
disfindu aus djonnès crapaudes ; asteûre
èles î sont prèske oblidjîyes. C' èst todi lès
minmès « tabous ». »

« Kand on a mau èdaumé s' trote, i faut sayî
di n' si nèn djoker. »

« L' djonnèse èst l' seûl âdje di rêzon. »

PONT D' BAURÎRE ?

Bén rade on passe-pôrt po d' aler à
costé ?

Nos èstans au XXIème sièke, dès ans au lon,
po bouter, on a fait vinu avaurci dès djins d'
Italiye, d' Pologne, do Marok, evd, on a
adjancné l' Urope, on balzine po z-î admète
lès Turks èt vola k' po passer tot à costé, nèn
lon èri di nos vilâdjes, i nos va ptète falu fé
mète on cachèt dissus nosse passe-pôrt.
Dèdjâ, nos lès Walons, po polu s' î marier i
nos va falu po comincî passer on ècsamin d'
passâdje è flamind, come po z-î ovrer, come
li mwirneû d' nosse taci, come nosse
prusteû d' ôto, come nost' èfant ki ptète î
vorîve aprinde si mèstî !

Èsse k' on va èto aprinde on ôte côde po z-î
polu trèvautchî leûs voyes ? A s' disgoster d'
s' i co volu sitaurer aus bias djoûs dissus leû
sauvlon tot tètant leûs bablutes.

*Èt l' Drwèt dès Uropèyins di s' porwminner,
d' ovrer èt di s' vîre voltîye dins tos lès payis
d' l' Union, on l' tape aus fouyes ?*

On kandje lès riles di carcul !

A Brussèles : 15 = 50. È l' Flande : 60 = 0

FWATÈS PAROLES

Djan-Pîre Tchèvènemint, l' ome k' a ptète
èspèchî, è 2002, Liyonèl Djospin di divnu
Prèzidint dèl France, n' a nèn k' ène pitite
idéye di li-minme. Il a dit : « *Tos mès akes
dispû trintes ans pwatenut l' mârke d' on
grand prodjèt ki n' s' a nèn apontiyi mins k' au
ddins d' kwè l' France pout trover l' fwace di
s' ridaurer.* »

Oyi-da, rastrins Miyin !

S' « boûne » idéye po arindjî **nos**
bidons : « *Lès Flaminds n' ont k' a prinde po
zèls l' ovrâdje à DHL/Zavèntèm, tot amodiant
lès eûres d' évolâdje, èt, à l' place ni nèn
discopècî BHV.* »

Come kwè, è vola co onk ki pinséve si bèn
conèche dins nos èburtakes. Paski :

...ON N' BÈRDÈLE PUS PO DHL

S' costindje èstéve trop loûrd, mins c' n' èst
nèn po ça k' on s' va djoker d' moûre èt d'
sayî d' taper l' dossêre dsus l' ôte.

Èt dire ki s' èstéve keudu d' blanc filé dispû
dès mwès. **Leû** volté d' è volu todi d' pus è
dijéve bèn pus lon ki leû silince autoû d' leûs
prodjêts. Alèz, Brussèles va polu mia
dwarmu. L' pinsèz ?

I n' vos faut nèn vos èwarer, on comèle èt maxhe todi lès moudêyes di sicrijhaedje